

KATIMAYUARUT
Nunat Aviktuqhimayunik/Ukiuktaqtuni Munarhiliqinikkut Ministangit Katimayuarutaat
Hitamiut, Tattiarnaqtuq 19, 2017mi
8 qaniqan - 3mun ubluumani

Tunngahuktitaunikkut Angmaqtiqinikkut Uqaqtakhangit (AB/ALL_	8:30 – 8:35 5 minutesnik
<p>1. FPTkut Katimayuarutait Upalungairutikhangitlu: PTkut/Munarhiliqinikkut Kanatami Angirutiqatigiiniq (Tamangnik)</p> <p><i>Uqaqtakhangit:</i></p> <ul style="list-style-type: none"> PTngit Ministangit uqaqhimaapakhimayut Naunaituq Titiraqhimayuq Iliqatigiiktukharnik Atuqtakhangit angirutikhaq aulatinanik uqarniaqtainik tapkuninga Kanatami Ministangit. 	8:35 – 8:50 15 minutesnik
<p>2. Ihumaliqiyut Aanniaqtunik Ipiraililimaituniklu (ON)</p> <p><i>Uqaqtakhangit:</i></p> <ul style="list-style-type: none"> Munarhiliqiyikkut Ministangit uqarniaqtun ihumarluqhimayunik inuuhirinkkut ipiraililimaituniklu ayugihagaqtunik hanaqidjutikharnik PTngit havakhimaaliqtun talvuuna qanurlu nunalaangit havaqatigiitaqtun ihuaqhaidjutikharnik piyaanganik ihumarluqhimayunik ikayuutikharnik ipiraililimaituniklu ayuningutiqatunik ikayuutikharnik. 	8:50 – 9:15 25 minutesnik
<p>3. Aulahimaaqtun Hanaqiyut Ilitugipkakhimaagianganik tapkuninga Opioidsnik (AB)</p> <p><i>Uqaqtakhangit:</i></p> <ul style="list-style-type: none"> Ministangit uqarniaqtun havaktauyukharnik pidjutikhangitlu tamangni PTngit, unalu kanatam kavamangit, ihumaliuliqtunik ilitugipkaiyaanganikluuniit opioidsnik ayungnautiqaliqtunik. 	9:15 – 9:45 30 minutesnik
<p>4. Munarhiliqinikkut Ingilrutikhaq Maniliurutikharnik (MB)</p> <p><i>Uqaqtakhangit:</i></p> <ul style="list-style-type: none"> Talvuuna atuqhimayut Hivulliqikharnin, PTngit Munarhiliqinikkut Ministangit qiniqhianaqtun hivutunirmik havaqatigiiktukharnik talvuuna maniliurnikkut anginirmik atuqtakharnik akhuqnaqtunik havautiliqiyunik ingilrutikharnik. 	9:45 – 10:00 15 minutesnik
Nutqanganig	10:00 – 10:15 15 minutesnik
<p>5. Tautuminaqtunik Talvuuna Havautiliqiyunik Akiliktauyukharnik Munarhinun Ayuittiagiikhimayunun (ON)</p> <p><i>Uqaqtakhangit:</i></p> <ul style="list-style-type: none"> Ministangit aituiniaqtun nuutaanguqtiqhimayumik uqaqtauvakhimayunik, tuhaqtiilhaaqhimayut iniqhimaituq malikhautikhangit, unalu kinguliuyunik atuqtakharnik talvuuna Ontariom havakhimaaqtunik talvuuna ihuaqhaidjutikharnik tautuktauyukharnik havautiliqiyunik havakviani akiliktuihimaqtunik tuniyaangat munarhiliqinikkut ayuittiagiikhimayunik havakvingitlu. Ministangit piniaqtun nuutaanguqtiqhimayumik talvuuna Nunagyuaptinik Havautiliqiyut 	10:15 – 10:30 15 minutesnik

KATIMAYUARUT
Nunat Aviktuqhimayunik/Ukiuktaqtuni Munarhiliqinikkut Ministangit Katimayuarutaat
Hitamiut, Tattiarnaqtuq 19, 2017mi
8 qaniqan - 3mun ubluumani

Hanaqidjutikharnik.	
6. Akituyut Havautikhangit Allatqiinguyutlu Aanniarutit (EDRD) (AB)/BC/ON) <i>Uqaqtakhangit:</i> <ul style="list-style-type: none"> Ministangit tuniyauniaqtun iniqhimayunik titiqanik talvanga EDRDnik Havakhimaaqtunik Katimayiinik. 	10:30 – 10:45 15 minutesnik
7. pan-Kanatami Havautiliqiyunik Havavikyuangit (pCPA (ON)) <i>Uqaqtakhangit:</i> <ul style="list-style-type: none"> Ministangit uqaqhimaarniaqtun talvuuna aulayunik hanaqidjutikharnik talvuuna pCPAnik. 	10:45 – 11:00 15 minutesnik
8. Kanatami Aungaliqiyut Ikayuutikharnik (SK) <i>Uqaqtukharnik Ihumaliuktukharniklu</i> <ul style="list-style-type: none"> Uqaqlutik malikhautikharnik talvuuna CBSnik ihumagiyauhimayut aulatinanik talvanga CBSnik Ukiumi Katimayuarutaanik (AGM): <ul style="list-style-type: none"> a. 2018-19mi Maniit Atuqtauniaqtun Aulavikhangit b. CBSnik Nunaquyuptingnik Hanaqidjutikhangit talvuuna Plasmamik c. Havavikngmi Ilauyut Atuqtakharnik Titiraqhimayuq talvanga CBSkutnun Katimayiinun 	11:00 – 11:45 45 minutesnik
9. Ihivriuqtauyukhat talvuuna Tuhaqtitiyunik	11:45 – 12:00 15 minutesnik
Qitiruqtumut	12:00-1:00pm 60 minutesnik
10. Havautiliqinikkut Qullangnairutikharnik: Nuttaqqat Inulramiitlu Iniqhimayunik Uniqtuiffaaqtukhaq (ON) <i>Uqaqtakhangit:</i> <ul style="list-style-type: none"> Ontariom uniuqtuiffaaqtukhat PTmun Ministamun aulanikkut talvuuna ihuaqhaiqyumiqtitiyangat pidjutikharnik, akiligiaqaqtuniklu, ihuarutikharnik piyaangat havautikharnik tamainun nuttaqqanun. 	1:00 – 1:15 15 minutesnik
11. Nunaquyuptingni tamaat Pigiaqaqtunik Havautikharnik (ON) <i>Uqaqtakhangit:</i> <ul style="list-style-type: none"> PTngit Ministangit uqarniaqtun kitunik atuqtakharnik talvuuna Hivulliqtingit atuqtakhainik ilauyaanga kanatam kavamangit talvuuna ikaaknikhangit aturniaqtain akikhangitlu aulahimayut naunaiyagiikhimayunik Nunaquyuptingnik Havautiliqiyunik Upalungairutikharnik taima tamaat kanatami iliqatigiiklutik, ilitagiplugitlu allatqiinguyut hanaqidjutikharnik ilauyukharnik tamangni avikhimayunik nunat ukiuktaqtunilu. 	1:15 – 1:45 30 minutesnik

KATIMAYUARUT
Nunat Aviktuqhimayunik/Ukiuktaqtuni Munarhiliqinikkut Ministangit Katimayuarutaat
Hitamiut, Tattiarnaqtuq 19, 2017mi
8 qaniqan - 3mun ubluumani

12. Ihivriuqtukharnik Angirutikharnik Tuhaqtitiyaangat	1:45 – 2:00 15 minutesnik
Nutqanganig	2:00 – 2:15 15 minutesnik

Tuhaqtitiyukharnik Katimayuarut	2:15 – 3:00 45 minutesnik
---------------------------------	------------------------------

DRAFT

KATIMANIIT KAVAMATUQATKUNNIN/AVIKTURHIMANIRNIN/UKIUQTAQTUNINLU AANNIAQTAILINIKKUT MINISTANI

OCTOBER 19-20, 2017

FEDERAL BUILDING, EDMONTON, AB

~ Katimatjuti ~

Hitammiut, October 19, 2017	
Ministat Petitpas Taylor unalu Hoffamn Miitiqatigiyait Alberta-min Avikturhimanirnin Nunaqaaqqaahimayuni Hivuliqtiit <i>Humi: 10^{mi} Natiani uumani Federal Building, Mount Batten Room</i>	5:15 – 6:15 pm
Niriniq <i>Humi: Art Gallery of Alberta, Ernest C. Manning Hall & Atrium</i>	7:00 – 8:00 pm
FPT Ministat Avaliittumik Niriniaqtut <i>Humi: Art Gallery of Alberta, Terrace Café</i>	8:00 – 10:00 pm
Tamaita Katimayaqtuqtut Niriniaqtut <i>Humi: Art Gallery of Alberta, Ernest C. Manning Hall & Atrium</i>	8:00 – 10:00 pm
Tallimiut, October 20, 2017	
Tamaita Katimayaqtuqtut Tupauttarniaqtut <i>Humi: 10^{mi} Natiani Federal Building, Wales Room</i>	7:00 – 8:00 am
Avaliittumik Taupauttarlutik Miitiqatiginiqtaik Kanadami Havaktuliqinikkut Ikayuqtiit Atauttikku-Pipkaqtitauyuq Ministanin Hoffman-min Hoskins-minlu <i>Humi: City View Room, 2^{mi} natiani, Federal Building</i>	7:00 – 8:00 am
Miitiqatigiyait Kanadami Nunaqaaqqaahimayuni Timiqutit (NIOs) <i>Humi: 10^{mi} Natiani Federal Building, Windsor Room</i>	8:30 – 10:00 am
FPT Ministat Miitirutaa <i>Humi: 10^{mi} Natiani Federal Building, Windsor Room</i>	10:10 – 2:00 pm
Nutqangallakvik	2:00 – 2:15 pm
FPT Tuhaumapkainikkut Katimaniq <i>Humi: 2^{mi} Natiani Federal Building, Capital View Room</i>	2:15 – 2:45 pm

~ FPT Aanniaqtailinikkut Ministait Katimatjutaa ~

Tungnahuktittinikkut Angmaqtirinikkullu Uqautiit (AB/CAN) 10:10 – 10:20 am

1. Aulahimmaqtut Havagutit Kiuniarhimanikkut Hakugikyuaqtuni Uluriannaiyautini (Opioids) (BC/CAN) 10:20 – 11:00 am

Uqautait

- Ministat naunaiyarniaqtait FPT-kut hivumuuningit hulinikkut kiunahuarnirmi Kanadaup hakugikyuaqtuni ulurianaiyautini (opioid) qayangnarhiyunik uqautiginiaqtaillu pitjutiniarhimayut tukliit qanuriliurutikhat turaangayunik hultjutikhanun.
- Ministat uqautiginiaqtait uuktuqvikhat hivumuutinikkut kiunikkut havagutit, taapkualluanilu mamiharutikhani kiunikkullu kanngunarutit.

2. Higaarluk (CAN) 11:00 – 11:20 am

Uqautait

- Ministat piniaqtut naunaitkutinin nutaani uqautigilugillu aularaanginnaqtuq FPT-ni havaqatigiikniit piliurningani atuqtpkailirninganilu uumani *Higaarluk Maligaqmi* maligaghatigullu pitjutikhait, ilaulyullu aanniaqtailinikkut havakviinnun pitjutittaqtut.

3. Atauttikkut Aanniaqtailinikkut Hivulliutiyauyumayun (AB/CAN) 11:20 – 11:45 am

Uqautait

- Ministat uqautiginiaqtait tatja hivulliutyumayamiknik ihumalirinirnun ipirailairnirnunlu ukunanilu aihimavingni nunallanilu munaritjutinik.
- Ministat uqautiginiaqtaillu tukhiqtauhimayuuq pitjutikhaq piliurnikkut atauttikkut anirutinik pilunilu illitturipkaitjutimik uumani Kanadami Havakviani Aanniaqtailinikkut Ilitturipkaitjutainni (Canadian Institute for Health Information's (CIHI)) havagutainni ukunani PTs ilautjutiqaqtunilu ukunani naunaittuni naunaitkutini ikayurnikkut una Atautimi Uqauti Uppiritjutini uvani Atauttikkut Aanniaqtailinikkut Hivulliutiyauyumayuni.

4. Havautit (ON/AB/BC/CAN) 11:45 – 12:05 pm

Uqautait

- Ministat uqautiginiaqtait aulahimmaqtut FPT-kunni havaqatigiikniit pimmarigharnikkut akituvallaangittunik, piyaarnikkut ihuaqtukkullu aturninginnik taaktinin tuniyauhimayunik havautinik.
- Ministat uqautiginiaqtait uuktuqvikhat havaqatigiiknirnun pitjutikhanun pimmarighattiarnikkut havautikni pitjutikhainnik titiraqhimayunik.

5. Hivulliqmik Ihivriunq Tuhauptikaitjutimik (AB / CAN) 12:05 – 12:10 pm

FPT Ministat Avaliittumik Niriniaqtut Qitiqqukpat 12:10 – 1:10 pm

Humi: 11^{mi} Natiani Federal Building, Room 11001

Tamaita Katimayaqtut Niriniaqtut Qitiqqukpat 12:10 – 1:10 pm

Humi: 10^{mi} Natiani Federal Building, Wales Room

Unniutjuti talvannga Avaliittumik Nirinirmin (AB/CAN) 1:10 – 1:15 pm

6. Iiraqtuqhimaittumik Mighaagut Havautini Akiliqtauvaktunun Aanniaqtailinikkut Ayuittunun (ON/CAN) 1:15 – 1:25 pm

Uqautait

- Ministat uqautiginaqtuq havaguti angikliharumanikkut iiraqtuqhimaittumik ukunani havautikkut havakviinni mighaagut akiliqtauvaktunun aittuutinilu aanniaqtailinikkut munarinikkut ayuittunun.
- Ontario-min Minista tuniniaqtuq illituripkaitjutimik uumani avikturhimaniup miitirutainnin unalu kavamatuqatkunnin Minista tuniniaqtuq naittumik naunaitkutininik uumani kavamatuqatkunnin.

7. Niqigiktunik Nirnikkut Parnaquti (CAN) 1:25 – 1:45 pm

Uqautait

- Ministat piniaqtut kavamatuqatkunnin illituripkaitjutimi hivumuuningani uumani *Kanadaup Niqigiktunik Nirnikkut Parnaqutimi*, ilauyuqlu hivumuuningit havagutini pimmarigharnikkut niqigiktunik nirnikkut illituripkaitjutininik; hakugigharnikkut titiraqhimayainnik nanngautainniklu; pimmarigharnikkut niqirikninginnik niqini; hapummilugi ayurhautiqaqtaaqtit inuit; ikayurlugillu angikliyuummirhimayut pitaarutikhat ukununga hailihimaninginnilu niqigiktuni niqini.

8. Tuhaqtipkaitjuti (AB/CAN) 1:45 – 1:55 pm

- Iniqtirutit

Titiqqani Hunat:

9. Nakuuyut Uqumaitilaarutit qaritauyakkut-Unniutjuti (e-Report) (NS/CAN)

- Ministat apiriyauiniaqtut akihaqtulugu una *2017 Nakuuyut Uqumaitilaarutit qaritauyakkut-Unniutjuti* pipkaqtitauliqtuq talvuuna FPT Kavamatkunni Aanniaqtailinikkut Pitjutaani.

10. Qaritaup Hayuktitauningani Ulapqinirni (CAN)

- Ministat piniaqtut illituripkaitjutininik pimmarighattiarnikkut pitjutikhanik ukunani qaritaup hayuktitauninginni pittailirnik munarinirniklu iluani Kanadami.

11. Kavamatuqatkunni Tipaakutigut Amirnikkut Parnaquti (CAN)

- Ministat pinuaqtut illituripkaitjutikhanik uumani Kavamatuqatkunni Tipaakutigut Amirnikkut Parnaqutimi.

12. Ilaqatigiikhtuk Katimayit uvani Iliharvikni Aanniaqtaililirinirni (JCSH) 2017 Ukiuq tamaat Unniutjuti (PEI)

- Ministat tuyuqtauniaqtut uuminnga JCSH Ukiuq tamaat Unniutjutimik.

13. Tamaat-Kanadami Pitjuti Havagutikhatigullu Hivunikhaq ukunani qupilrunin Aannialarhuutinin Havautinik Huuyungnaiqtirutinik (NU/CAN)

- Ministat piniaqtut illituripkaitjutikhanik inirhimaningani Tamaat-Kanadami pitjutimi uumani qupilrunin Aannialarhuutinin Havautinik Huuyungnaiqtirutinik uumanilu piliurningani pitjutiqarutaami hilitjutikhakkut hivunikhami.

14. Umikturutikkut Uqautiit (AB/CAN) 1:55 – 2:00 pm

~ Iniqtuq ~

Katimaniit Avikturhimanirnin-Ukiuqtaqtuninlu Aanniaqtailinikkut Ministani

TUHAQTITAUYUKHAT – Avikturhimanirnin-Ukiuqtaqtuninlu Ministani Aanniaqtailinikkut

TUHAGAKHAT – Edmonton, Aktuupa 19, 2017

Avikturhimanirni ukiuqtaqtunilu (P/T) aanniaqtailinikkut ministat katimavaktut uplumi Edmonton, Alberta-mi uqautigiyumaplugit aularaanginnaqtun havakatigiikniit pilluarumahimayuni kituni, ilauyut ihumakkut aanniaqtailirniit aangayaarlaqitjutiniklu atuqpaktait, una hakugikyuaqtuni-ulurianaiyautini (opioids) qayangnarhirmi, havautini nalliutikhat, aallangayukkut aanniaqtailinikkut munarinikut maniliqtuutikhani ayurharivaktut.

“Una miitirniq tuniyuq nakuuyumik tunitjutiqaqtiigutikhanik ilitturipkaitjutikhanik qauyihimanirniklu, havaqatigiiknirnik tamainnin turaangatjutini hivumuutjutikhaliurnikkullu havagutiginikkut aanniaqtailinikkut ihariagiyayuni tamainni Kanadamiunni,” uqaqtuq Sarah Hoffman, Alberta-up Ministaa Aanniaqtailinirnun, ikhivautauyuq miitirni. “Quviahuktunga pipkaigama hapkuninnga uqaqatigiigutinin uvani pitquhikkut Treaty 6-mi nunaani niriuktungalu aulahimmaaqtunun havaqatigiiknirnun havaqatigiyamnun, havaqatigiikilluta pipkainikkut aanniaqtailirninun munaritjutinik tunitjutainni nunaptikni kiutjutiaqtuqlu iharigiyainnun tamainnun Kanadamiunnun, tatja hivunikhani.

Upluraaluk, P/T ministat uqautigivaktait nakuuyunik inirutiaqatut ayurnavyaghivaktullu aallanguqtiraanginnarhimaningani aanniaqtailinirnun munariniit nalvaarhivakhtuklu aallangayunik ihuarhaitjutikhanik ukununga aallangayunun aanniaqtailinirnun piyumayayuni tamainnin nunaptikni.

Kavamatuqatkut, avikturhimanirni ukiuqtaqtunilu atauttikut angirutit

P/Ts aullaqtittut aivatjutinik kavamatuqatkunni ukunani atauttikut angirutini, ilaungittuq kihimi Quebec piqarmat aallakiikumik angirutimik, ukununga turaangayunik maniliqtuutikhani aihimaviknun nunallaanilu munarhitjutinun ukunanilu ihumaliqinikkut ipirailairnikkullu. Ministat uqautigiyait ihariaginiit pipkainikkut taapkuat angirutit tuniniqaqtut ihuaqtunik ayurnaitjutinik ikayuriami ihariagiyainnun hivulliutiyumayainnunlu aallakkiikni nunagiyayuni. Angirutikhat piqaqtukhat pinikkut maniliqtuutikhanik uumunga tamaan pitjutaani uumani *Atauttini Uqauti Uppiritjutini ukunani Atauttikut Aanniaqtailinirnut Hivulliutiyayumayainni*. Ministat naunaiyattiaqtaalu taapkuat aulapkaitjutait unniutjutait pitquyahimayut nakuuyukhat angumatjutiqarlunilu uumnga turaangayumun maniliqtuutikhakkut tunihiniani kavamatuqatkunni, taamna mikiuyuq ilauyuq talvani aktilaangani P/Ts akiliqtuivaktainnin hapkunani.

Ihumaliqinikkut ipirailairnikkullu

Ukuat P/Ts ilitarihmayut piqaqtuq angikliyuummiliqtumik iharianarhiliqiaqtumiklu hakugikharnikkut ihumaliqinikkut ikayurutikhanik tamainnun Kanadamiunnun. Ministat angiqhimayut piqangittuq aanniaqtailitjutikhanik pihimaitpat ihumakkut aanniaqtailinirnik - ihumakkut aanniaqtailiniq

anginiqaqtuq taimaatut timikkut aanniaqtailinirnik - inirhimayullu pitjutikhat tautuktittiyakhaalu una hivulluutiyauyukhaq.

Aanniaqtailinikkut ministat tunitjutivaktut ilitturipkaitjutikhanik hivumuuninginnun pimmarigharnikkut pittaarnikkut ihumakkut aanniaqtailirnrnun aangayaarlaqitjutiniklu atuqpaknirnik ikayuutikhanik naliinni nunagiyamikni. Ministat angiqhimayut aulahimmaarlutik turaangalutik pitjutinik pimmarigharnirnik ukunani ihumakkut aanniaqtailirnrnun aangayaarlaqitjutiniklu atuqpaknirnik havakviknun talvuuna pimmarigharhimayuni ihuarhainirni ilaupkainikkullu ikayuutikhanik nunallaani, akhuurniqarhutik taimailittailinikkut, akhuurhainikkut, ukunanilu qilamik ikayulirutinik. Ministallu angiqhimayut naunaiyaqlutik kitunik havaqatigiigutikhanik pipkainikkut pitjuti ihuaqtunik, piyaaqtunik, havattiarutiqaqtut mamiharnikkullu-havaqatigiigutiqaqtut. Ministat angirhimayut havagutit aulahimmaaqtukhat mikhilaaqtirnikkut piiyaqtiqlugulu kangugiyautjutinginnik.

Uqautigivaktait qanuriliurutikhanik pipkainikkut aanniaqtailirnrnun pitjutit piyaaqtaaqut pitquhikkullu ihuarniqaqtut. Taimaalu, P/Ts angiqhimayut havaqatigiiknikkut piiqtillugit ilitturipkaitjutiyumangittut, havagutigilugit pitjutiqaangittut, tunilunilu qilamik ikayulirutik nutqaqtinniarhimanikkullu. Angikliyuummirniit ikayurniit kavamatuqatkunnin ihariagiyauyuq angumatjutinikkut angikliyuummiliqtumi ihariaginirmun hakugiktunik ihumakkut aanniaqtailirnrnun aangayaarlaqitjutiniklu atuqpaknirnik ikayuutikhanik ilagiiktunun inungnunlu tamaani nunaptikni.

Una piuyuq ihariahungniqaqpiaghuni aallallu maniliqtuutikhat kavamatuqatkunni piyukhauyuq.

Aularaanginnaqtut havagutit kiuniarhimanikkut hakugikyuaqtuni- uluriannaiyautinik (opioids)

P/T ministat tunitjutivaktut ilitturipkaitjutikhanik parnaqtuni atuqtauyuni nunagiyamikni, ilauyut: qayangnaqtunik-ikikililaaqtinniarhimanikkut piniarhimatjutit imaakiaq munaqtiqaqtunik kapuutituriyaqtuvigiyauvikni, amigaittunik piyaarnirnik ukununga naloxone (havauti havauhittumun annautinahuaruti) ikayuutinun; nutaanguqtirhimayunik taaktinun ayuirharutikhat ukunani aturutini taaktimin hakugikyuaqtuni-ulurianaiautini; nutqaqtinniarhimanikkut piniarhimatjutikhat; maliktipkainiq pinikkullu amiriniq; amiriniq qauyiharniillu; havaqatigiiknirniillu ingungnun havagutiqaqtunun havakviinni; aanniaqtailinikkut ayuittut, paliihimat kavamatkullu.

Ministat angiqhimayut pipkaiyukhauyugut pitjutivut turaanganiqaqtut tamaat inungmun taimaatun pipkainikkut havaqatigiiknikkut-tunnganiqaqtukkut munaritjutinik havagutinik pitquhikkullu ihuarniqaqtunik havagutinik tahamaniittukhat havagutigiyaamik ulurianaiautikkut ihariagitjutit.

Uqautiginiq hakugikyuaqtuni-ulurianaiautini (opioids) qayangnarhinirmi, atuqtauvaktuq amigaittunin nunagiyauyuni, ihumaalutiqaqtut aturnikkut maligakkuungittunik havautinik pitjutiniklu nutaanik hunanik ukununga maligakkuungittunik havautinik piyauvaktuni, ukunanilu ihuangittunik taaktinin havautinik aturnirnik ayurnarhitjutiaqtuqlu Kanadamiunnun, ilaruhiinun nunallaanginnunlu.

P/T ministat miitiatiginiyaqtait kavamatuqatkunni aanniaqtailinikkut ministra Petitpas Taylor aqagu uqautigiyumaplugu havagutaa kavamatuqatkut piqaqtut ikayurnikkut P/T nunagiyauyut nutqaqtinniarhimanikkut havauhittuni tuquniit ikayuqlutillu hivulliqpaat-havaktiit munaritjutit taimaatut nakuuyumik tuniyaanginni munaritjutinik ihariagiyauyut annautjutiyaamik inuuhirnik havagutigilugu hakugikyuaqtuni-ulurianaiautini (opioids) qayangnarhiniq.

Aanniaqtailinikkut tamayakhanik pitjutit

Tunnganiqarhuni nakuuningn pan-Canadian Pharmaceutical Alliance (pCPA) (tamaat-Kanadami Havautiliqinikkut Katimavik), hivulliuqtininninginninlu hivuliqtinin, P/T aanniaqtailinikkut ministat aullaqtiliqtut naunaiyaqhugit piyaami atuqtauraanginnaqtunik turaangatjutitqaqtuniklu aanniarutikkut tamayakhat.

Manitoba hivulliuqtait uqautiit uumani hivulliqpaami hivumuuninginni P/Ts havaqatigiiknikkut pinikkut ukuninnga atuqtauraanginnaqtunik turaangatjutitqaqtuniklu aanniarutikkut tamayakhanik.

Ministat angiqhimayut pitjutikhamik hivumuuningani unniutiffaarniaqtullu hivuliqtinin talvuuna May 31kut, 2018.

Iiraqtuqhimaittumik mighaagut havautini akiliqtauvaktunun aanniaqtailinikkut ayuittunun

Ontario tuniyuq nutaanik ilitturipkaijtutikhanik miiturutini, qangannuaq piliqtuni maligakhani tuklihaniklu qanuriliurutikhanik mighaagut Ontariop havagutainnik pimmarigharumanikkut iiraqtuqhimaittumik ukunani aanniaqtailinikkut havakviinni akiliqtuutunik tuniyauvaktut aanniaqtailinikkut ayuittunun timiqutinunlu. Uqaqatigihimmaarniaqtait Health Canada-kut aqagu.

Ministat angiqhimayut hakugikhaarhimmiaqtirlugu iiraqtuqhimaittumik angmaumayuniklu aanniaqtailinikkut munaritjutini aulapkainikkut Kanadamiun uppiriniit munaritjutini pihimavaktait tunnganiqaqtut nakuutqiyauyuni hanaqiyaunikkut nauniarhimayuni, piqangittumiklu qanuriliuquyautjutikhanik aanniaqtailinikkut havakviknin. Hivumuqtininningani uumani turaanganirmi, ministat hivulliuqtait havaktiit pipkainikkut taimaatut piniarhimatjutikhat imaatut qaritauyakkut-havautikhaqtarnikkut (e-prescribing) aulahimaaqtukhaq hivumuunirnun, havaktaulutiklu iiraqtuqhimaittumik pingittaangani inminit pitjutitqaqtuqanginnikkut.

Havautikhat aallangaqpiaqtunun aanniarutinun

Ministat uqautigivaktait akituyut akiit havautikhanun aallangaqpiaqtunun aanniarutinun havagutiniklu havaktauliqtun ukunannga Havautikhat Aallangaqpiaqtunun Aanniarutinun Havaqatigiiktut (Drugs for Rare Diseases Working Group) hivulliuqtauyuq Alberta-min, British Columbia-min, Ontario-minlu.

tamaat-Kanadami Havautiliqinikkut Katimavik (pCPA)

Havaangit pCPA-kunnin nanngaqtayuuq akiklilaaqtirnikkut havautini akiinnik, angikliharhuni pittaarnirik ukununga aanniarutinun-nakuuhitjutitqaqtunun havautinun, aajikkiiktittinikkullu nunagiyauyuni piniarhimanirik havagutainniklu ukunani havautikkut aivatjutiinni. P/Ts atungittut \$1.2 billion-mik ukiuq tamaat akiliqturiaqanginnirmin.

Tamainnin pittaarniq havautinik

Aanniaqtailinikkut ministat, hivulliuqtauplutik hivuliqtinin uumani auyami, angiqhimayut naunaiyaqlutik nunamut tamaat havautikkut (pharmacare) nalliutikhamik, ilauyullu titiraqhimayunik havautinik, akiinnik uplukhainniklu.

Québec piyumayuq havaqatigilugit aallat Kanadami kavamagiyayut kiunikkut ayurnavyauliqpaktut akittuquummiraanginnaqtuni akiinni havautiit, kihimi nalliutit havautinilu titiraqhimayunik ihumaliurutikhait aulahimayuq ilikkut munariyaa.

Ministat aulahimmaqtut angiyunik hivumuuhimmaarhutik angikliharnikkut tamainnun piyaarnikkut havatinik. Talvannga piliurninganin Havautitigut Havaqatigiiktut (Pharmaceutical Working Group), tamaita nunagiyayut hulihimayut qanuriliurutikhanik pimmarigharnikkut akituvallaangittaanginni, piyaaqtaanginnik ihuaqtuniklu aturninginnik taaktinin havautinik.

Ministat ilauniaqtun uqaqatigiiknirnik piliurnikkut nunamut tamaat havautikkut (pharmacare) nalliutikhamik pipkainikkut Kanadamiut piyaaqtaanginni havautikhanun aanniaqtailitjutikhatik ukunani kavamatuqatkunni havaqatigiigutimikni uvani aqagup uqaqatigiigutainni, ilitariplugit aallakkiit ihariahungniit pitjutiillu atuqtauyu tamainni P/T, upalungaiyaqhutik unniutjutikhamik hivuliqtinun.

Kanadami Auktarviit

Hivulliuqtauplutik Saskatchewan-min, P/T ministat (Quebec ilaungittuq) uqautigivaktait amitaittut ihumagiyayut mighaagut Kanadami Auktarviitigut (Canadian Blood Services), ilauyuqlu havakviup tukhiqhimayaa 2018-2021 Havakvikmi Hivunikhaq uqautigivaktaillu Kanadami plasma-kkut (aup ilanga) piqarninga.

Mighaagut kiunikkut ihumaginirmi Kanadaup plasma-kkut piqarniani, amigaittut aallakkiit ihumaginiit P/T-kunni talvuunga qanuriliurutikhatigut kihimi angiqatigiigutiqaqtuq tatjainnaq hulitjutikhat ihariagiyayut pimmarigharnikkut amigaiyarnikkullu nunaptikni plasma-kkut katitiqhimaniit.

Kavamatuqatkunnin, avikturhimanirnin ukiuqtaqtuninlu aanniaqtailinikkut ministat miitirnia

P/T aanniaqtailinikkut ministat niriuktut hulaqutiqaqtunik uqaqatigiigutinin aqagu umani kavamatuqatkunni ministami Petitpas Taylor. Katimatjutikhaq turaanganiqaqtuq piliurnikkut pilluaqtaaqtuunik malikhautitjutiqarnikkut, aallangayukkut, akituvallaangittuni aulahimmaaqtaaqtuuniklu aanniaqtailinikkut munaritjutinik pitjutikhanik tamainnun Kanadamiunnun.

Miitiruiqqata, Manitoba havalirniaiqtuq ikhivautauluni uvani P/T aanniaqtailinikkut ministani miitirutaani ikhivautaqatigiiklutiklu uvani kavamatuqatkunnin, avikturhimanirnin ukiuqtaqtuninlu Anniaqtailinikkut Ministat Miitirutaani.

Tuhaqtipkainikkut Uqaqatigivikhat:

Laura Ehrkamp
Laura.Ehrkamp@gov.ab.ca
780-415-0961
Tuhqtitjutikhanut Titiraqti
Alberta Health

Katimaniit

Kavamatuqatkunnin/Avikturhimanirnin/Ukiuqtaqtuninlu Aanniaqtailinikkut Ministani

TUHAQTITAUYUKHAQ - FPT Aanniaqtailinikkut Ministat Katimania (HMM)

Aktuupa 20, 2017 - Edmonton, AB

Uplumi, kavamatuqatkunnin, avikturhimanirnin, ukiuqtaqtuninlu (FPT) Ministat munariniqaqtut aanniaqtailinirnin iniqtiqtait katimatjutitik Edmonton, Alberta-mi.

Ministat nakuuniqaqtunik uqaqatigiitjutigivaktut kaffini aanniaqtailinirnin-pitjutiqaqtunik hivulliutiyaumamayamikni, ilauyuqlu havagutikhait kiuniarhimanikkut hakugiktunik havautituqpallaaraangamik qayangnarhivangniq, angikliharlugu piyaarniq akituvallaangittunilu havautinik, hapummilugillu aanniaqtailiniit qayangnaitkutinginnilu Kanadamiut mighaagut maliganguqtauyukhami maligaghainnilu higaalungni.

Tamaita nunagiyauyut havakhimmaaqtukhat atuqtipkalirnikkut anginiqaqtunik aallanguqtirutjutit malikhautipkarlugillu aanniaqtailinikkut pitjutitik amigaiquummiqtunun piyumanirnin aanniaqtailinikkut hilitjutinun uvanilu inirnihanguliqtuni inungni. Tamaita nunagiyauyut havagumaniqaqtullu pimmarigharnikkut piyaarnikkut aihimavikni nunallaanilu munarhitjutikhanik, ukuninngalu ihumaliqinikkut ipirailairnikkullu havagutiknik.

Miitigatigiyait Kanadami Nunaqaqqaahimayuni Timiqutini

Pimmarigharnikkut Nunaqaqqaahimayunik aanniaqtailinikkut naunaitkutit taimaittuq huli piyumayauyuq hivulliutiyumayauyuq Aanniaqtailinikkut Ministanin. Aullaqtiqtinnagu uplumi miitirutikhait, Aanniaqtailinikkut Ministat miitigatigivaktait hivuliqtiit ukunannga Nunaqaqqaahimayunin Timiqutin uqaqatigiyumaplugit aanniaqtailinikkut hivulliutiyumamayamiknik uuktuqvikhaniklu kiunikkut piqanginnirnik talvani Nunaqaqqaahimayuni aanniaqtailinikkut naunaitkutainni. Avikturhimanirni ukiuqtaqtunilu Aanniaqtailinirmut Ministat havaqatigihimmaaqtaait nunallaamikni Nunaqaqqaahimayunik timiqutit.

Hakugikpiaqtut-ulurianauyautit unalu Havautituqpallaaraangamik Qayangnarhivangniq

Taamna havautituqpallaangamik qayangnarhivanganig amigaiqtiyuummiraanginnaqtuq, piqarhuni avatquhimayunik 2,800 naunaittut hakugikpiaqtunin-ulurianauiyautinin tuqunirnin Kanadami 2016-mi. Uplumi, Ministat ilitarihimayaa una ihumagiyauyuq Kanadami tamaat inungni aanniaqtailinirmun qayangnarniuyuq ilitariplugillu angiyut hilitjutit havaktauhimaliqtun kiuniarhimaplugu. Ministat naunaiyaffaqtait piyumanikkut havaqatigiyumanikkut aanniaqtailinirnin havaktiit, ayuittut, inuillu

atuqhimavaktaa inuuhiritjutigihimmaarnikkullu hivumuutjutinikkut hulitjutikhanik kiutjutikhani qayangnarnirmun. Hulitjutikhat uqautigiya uvaktut ilaqaqtut kiunikkut maligaghatigut aallanilu pilimairutivaktut hanaqitjutikhanun, aanniutinun mikhilaarutikhatigut qanuriliurutikhat, qinirhialuni nutaanik aallangayuniklu hanaqitjutikhanik qanuriliurutikhanik aallangayuniklu kavamatkunni aanniaqtailirnirnun maligakhat, tuniqatigiiknikkut ilitturipkaitjutikhanik nakuutqiyayuniklu havagutunik, mikhilaaqtirnikkullu kanngunarniqarutiginikkut ihuitjutivaktuni aangayaalaqitjutinik aturnirnik. Ministat uqautigivaktaillu angikliharnikkut kavamatuqatkunni maligaghani piyariaqangitjutit akhuurharhugillu aallangayut qanuriliurutikhat nutqaqtinniarhimanikkut havautituqpallaaraangamik qayangnarhitjutit aannautjutinikkullu inuuhirnik.

Higaarluk

April 13mi, 2017, Kanadaup Kavamanga pipkaiyuq Maliganguqtitauyumayamik C-45, tukhiqtauhimayuq Maligakhaq mighaagut higaarlungmut aallanguqtirutiniklu uumunga *Amiriyauhimayunun Havautinun Aangayaalaqitjutiniklu Maligaaq* (una tukhiqtauhimayuq Higaalungni Maligaaq). Una maligaaq piliurniaqtuq maligaqtitpiarhimayumik pitjutikhamik munarinikkut piliuringinnik, tunighaininginnik, niuvvaanirnik pihimanirniklu hulaarluknik Kanadami.

FPT kavamait havakhimmaarniaqtut ihariagiya uyumi havaknirmi pipkainikkut aanniaqtailinirni aanniqtailinirnilu Kanadamiunni, taapkualluanilu inulraammiit Kanadamiut. Ministat uqaqpiqtaa anginiqarniq qilamik aulahimmaaqtumiklu inungnun ilitturipkaitjutait taimaatut kavamatuqatkunni piniarhimatjuti maliganguqtittiyumanikkut, maligaghaqalirluni kiklikhaqtillugillu piyaarniit higaalungni hivumuuningani.

Atauttikkut Aanniaqtailinirnut Hivulliutiyayumayait – Aihimavikni Nunallaanilu Munaritjutiit Ihumakkullu Aanniarnainnirni Ipirailailaqtutillu.

August 2017mi, FPT Aanniaqtailinirnun Ministat¹ naammagiyaa una Atauttini Uqauti Uppiritjutini ukunani Atauttikkut Aanniaqtailinirnut Hivulliutiyayumayait, talvani Aanniaqtailinirnut Ministat piyut havaqatigiiklutik pipkainikkut aanniaqtailinirnut pitjutit aulahimmaarianginni kiunikkut ihariagiya innun Kanadamiun uvani aihimavikni nunallaanilu munaritjutiit ihumakkullu aanniarnainnirnun ipirailailaqtutillu havagutikhat Kanadami.

Uplumi, Ministat uqaffaaqtaa taimaatut atauttikkut angirutit tunitjutiniaqtut ihuaqtunik pitjutikhanik ikayurnikkut ihariagiya innik hivulliutiyumayainniklu aallakkiikni nunagiya uyuni. Aanniaqtailinirnun Ministat havaqatiginiqtaa Canadian Institute for Health Information-kut piliurnikkut turaangayunik pitjutikhamik tamainnin naunaitkutunik tautugiami nakuuyunik hivumuunirnik. Hapkuat naunaitkutit ilitariniaqtait aallanganiqaqtut ukiuqtaqtumin unghiktuninlu qanuritjutiqaqtun.

FPT Havaqatigiikniq Havautini

Aanniaqtailinirnun Ministat havakhimmaarumayut ikayurnikkut pimmarighautikhanik ukununga Kanadaup havautikkut pitjutainnik ukunani pingahuni pilluarutini imaa akituvallaanginnikkut, pitaarnikkut ihuaqtumiklu aturutannik.

Aanniaqtailinirnun Ministat angiqhimayut taapkuat tatja pitjutit piyaami havautinik Kanadamiunnun angummatjutiqalluangittut. Hivumuutjutigiplugu havaktauhimavaktut uplumimun FPT kavamanginni pimmarigharnikkut pittaarnirni taaktinin havautin, Ministat pitquyait havaktitit piliurlutik ilitturihimanikkut-tunnganiqarluni qanuriliurutikhanik—ilaulutik pitjutiqaqtut akiit, titiraqhimayunik havautinik, atuqtipkailirnikkullu ihumagitjutikhanik—piniarhimanikkut piyaaqtaarnirnik, akituvallaangittuniklu, taaktinin havautikhanik tamainnun Kanadamiunnun. Quebec havaqatigiyumayait aallat FPT kavamait kiuniarhimanirnik ayurnarhiutivaktuni akittuquyuummiraanginnaqtuni havautit, kihimi nallitukhatigit ukuallu havautini titiraqhimayunik ihumaliurniit aulahimayut avalittut munariyait.

Nakuuyunik Ihuuhirittiarniq (Niqigiktunik Nirinikkut Parnaquti, 2017 qaritauyakkut-Unniutjuti (e-Report) uvani Nakuuyuni Uqumaitilaarutit, Qaritaup Hayuktitauningani Ulapqinirni, unalu Kavamatuqatkunni Tipaakutigut Amirinikkut Parnaquti)

Pihimaniq nakuutqiyayunik qanuriliurutikhanik quyagunnaq ukiuqarnirmi pitjutiupiaqtuq pilimaittungnarhinikkut aularaanginnaqtunik aannialaqitjutinik mikhilaaqitirnikkullu aallanik ingattautitjutinik taapkununga inuuyut aularaanginnaqtumik aannialaqitjutinik. Uplumi, Anniaqtailinirnun Ministat piyut nutaanik iliitturipkaqtitauyut uumani kavamatuqatkut *Niqigiktunik Nirinikkut Parnaqutaani*. Ministat uqautigivaktait ikayurnikkut havagutit avikturhimanirni ukiuqatqunilu ilitariyaillu aviktuqhimanirni ihumaaluutait. Aanniaqtailinirnun Ministat naammagiyaa una 2017 qaritauyakkut-Unniutjuti (e-Report) uvani Nakuuyuni Uqumaitilaarutit, uumanilu Ilauqatigiikhutik Katimayiit uvani Iliharvikni aanniaqtaililirinirniup ukiuq tamaat unniutjutaa, naunaiyaqtuq havaktakhanik ukunani atauttikkut turaangatjutiuyuni iliharnirni uvanilu aanniaqtailinikkut nutaqqanun inulrammiinnunlu. Taimaalu, pivaktut nutaanik iliitturipkaqtitauyut uumani Kavamatuqatkunni Tipaakutigut Amirinikkut Parnaqutimi havagutiniklu nutqaqtinniarhimanikut munarinikkullu qaritaup hayuktitauningani ulapqinirni

Quebec ihumagiyaillu hapkuat turaangayut ukunani piniarhimatjutini kihimi ittuq avalittumik munariniqaqtuq piliurnikkut atuqtipkainikkullu pinahuarutinik akhuurhainikkut aanniaqtailinikkut inuuhirnik iluani nunagiyamini, huli aulahimmaarhuni tunitjutiqatigiiknikkut ilitturipkaitjutikhanik ayuinnirniklu aallunun kavamagiyayunun.

Havautiliurnikkut Havakviinni Iiraqtuqhimaittumik

Kanadamiut aulahimmaaqut pinikkut nakuutqiyayunik ayuitpiaqtunin munaritjutinik nunaryuami. Malikhugit naunaittuni aallani nunagiyayuni, Anniaqtailinirnun Ministat naunaiyaqtut qanuriliurutikhanik hakugikharnikkut iiraqtuqhimaittumik uvani havautiliurnikkut havaktiinni tuninikkut akilirutinun aanniaqtailinikkut havaktinun timiqutinunlu, taimaatut Kanadamiut qauyihimayaanginni hapkunani maniliqinikkut piqatigiigutini piliuriamiknilu ilitturittiarhimanikkut ihumaliurutikhanik mighaagut aanniaqtailinikkut munaritjutikhamiknun.

Aannialarhuutinin Havautinik Huuyungnaiqtirutinik

Aannialarhuutinin havautinik huuyungnaiqtirutinik (AMR) taimaittuq qayangnaqpiiaqtuq nunayuarmi aanniaqtailinikkut qayangnarhittaarniq piyuq nunaryuamun uplumi. Anniaqtailinirnun Ministat

angiqhimayut aulahimmaarlutik tuninikkut uumunga atauttikku hivanikhaliuqtauhimayuq, amigaittunin-havakviinnin havagutinin kiuniarhimanikkut AMR havaktauliqtut, ilauyuqlu piliurnia hulinikkut hivanikhamik ikayurnikkut atuqtipkailirnikkut uuminnga *Tamaat-Kanadami pitjutimi uumani AMR-mi* nuitihimayuq atulihaalimat una ukiuq.

Ataani-naunaitkutit

1. Ilitariplugu Quebec-kum Kavamanga piyumania havagutigilugit munariyamiknik iluani aanniaqtailinikkut havagutainni tamaaniklu havagutigiyumaplugit hivanikhaliurutit, ihuarhaitjutit aulapkaitjutillu aanniaqtailinikkut havagutinin, ilauyullu ihumaliqinikkut ipirailairnikkullu havagutiknik ukuninngalu aihimavikni nunallaanilu munarinirnik, una Kanadaup Kavamanga unalu Quebec-kum Kavamanga angiqtuk uvani March 10mi, 2017, uumunga aallakkiiktunik pitjutikhanik aallangayuq uumanga Uqagiiyautimin Uppiritjutinin tunnganiqarhunilu uumani aallakkiiktunik angirutimi uvani September 2004min. Quebec-kum Kavamaa aulahimaniaqtuq unniutjutiluni Quebec-miunnun aturninginni tamainni aanniaqtailinikkut maniliqtuutikhanik aulahimmaarniaqtullu havaqagitilugit aallat FPT kavamauyut taimaatut tunitjutiqtatigiiknikkut ilittuipkaitjutikhanik nakuutqiyauyuniklu havagutinin.